



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Vita Alexandri Papae VI.

urn:nbn:de:hbz:466:1-15644

VITA
ALEXANDRI PAPÆ VI.

ANNO
CHRISTI
1492.

ALEXANDER, Rodericus Borgia antea vocatus, Cal-
listi papæ tertii ex forore nepos. Hic cum Bononiæ
ciuili & pontificio iuri operam dedisset, Romam a Cal-
listo vocatus, admodum adolescens primum episcopus
Valentinus, mox cardinalis & vicecancellarius creatus
fuit. Pontificatum adeptus est tempore Maximiliani im-
peratoris, anno Domini 1492. III. Idus Augusti. Duo præ-
clara illius ætatis lumina, Angelus Politianus, qui Senen-
sium nomine orationem habuit, & Iason Maynus sum-
mæ existimationis iurisconsultus, statim post electionem
missi sunt, ad obedientiæ & salutationis munus obeun-
dum. Initium pontificatus a pietate desumptis. Quod-
dam enim statim constituit, qui carceres assidue adirent
& visitarent. Cardinalem ex forore nepotem suum able-
gauit Neapolim, ut Alphonsum II. Neapolis regem ex
more coronaret. Cum Carolo octavo Francorum rege,
qui regnum Neapolitanum armis repetitus in Italiam
venerat, fœdus iniit: verebatur enim ne vis illa externa
quæ tanto impetu ferebatur, aliquid sibi mali portende-
ret. Cumque idem Carolus post Zizimum Turcarum re-
gis fratrem abductum, regno potitus Neapolitano es-
set, Alexander rupto fœdere, cum aliis regibus & princi-
pibus contra eum conspirauit. Toto pontificatu tres &
quadraginta cardinales creauit, e quibus duodeuiginti His-
pani erant. Filium habuit Cæsarem Borgiam, quem ex
episcopo cardinalem, & post ducem Valentimum crea-
uit. Quas ille rapinas, cædes potentiorum, & euersiones
vrbi molitus fuerit, Iouius accurate describit. De quo
hoc est memoratu dignissimum, quod cum in exitium
opulentiorum cardinalium prandium instituisset, is qui
pocula ministrabat, merum veneno medicatum per er-
rorem patri filioque propinauerit, atque ita patri ponti-
fici qui septuagesimum agebat annum, & venenum ple-
nius hauserat, violentam mortem intulerit, anno Domini

1503.

1503. xv. Kalendas Septembbris, cum sedisset annos vndecim & dies octo. Sepultus est in sacrario sancti Petri.

ANNO
CHRISTI
1503.

VITA
PII PAPÆ III.

PIUS III. antea Franciscus Piccolomineus appellatus, Pii II. ex sorore nepos, factus est pontifex x. Kalendas Octobris, anno Christi redemptoris 1503. tempore Maximiliani imperatoris. Cæsar dux Valentinus a morbo illo quem ex sumptione veneni contraxerat, liberatus, coacto duodecim millium armatorum agmine, conclave quo patres ad futuri pontificis comitia habenda congregati erant, obsederat: verum populi seditione, & Gallorum atque Hispanorum intercessione, Vrbe excessit. Cumque paulo post ad deosculandos noui pontificis pedes rediisset, Vrsini illum armis adorti sunt, postque magnam cædem vtrimeque commissam, Valentinus iussu pontificis viuus in arcem Aeliam perducitur. Ex saeuissimo vlcere, quod non sine suspicione superilliti veneni crus exederat, pontifex ætatis annum agens quartum & sexagesimum interiit xv. Kalendas Nouembbris, & sepultus est prope auunculum in Vaticano, cum sedisset dies tantum vigintisex.

ANNO
CHRISTI
1503.

VITA
IVLII PAPÆ II.

IVLIVS, antea Julianus de Ruyere nominatus, Sixti IV. Iulius quādo pontifex factus.
lex fratre nepos, episcopus Carpentoracensis, & cardinalis sancti Petri ad Vincula, contra Alexandri pontificis consilium defuncto Pio III. subrogatus est tertio Kalendas Nouembbris, anno Domini 1503. tempore Maximiliani imperatoris. Dixerat enim adhuc viuens Alexander, ab eo esse cauendum, ut olim Sylla a male præcincto puero Julio Cæsare. Valentinum ducem, quem Pius custodiæ mancipauerat, ea conditione dimisit, ut Cæsenæ & Fori Liuii castra ecclesiæ redderet. Dimissus pro suo merito in

Concil. Tom. 34.

I